



MINISTERIET FOR BØRN, LIGESTILLING,  
INTEGRATION OG SOCIALE FORHOLD

Meeqqanut, Naligiissitaanermut, Akuliutitaanermut Isumaginninnermullu

# INATSIITIGUT ATAATAQANNGITSUT PISINNAATITAAFFEQALISSASUT

Inatsisikkut 1. juni 2014-mi atuutilersussakkut inatsisitigut ataataqanngitsut ataataqarne-  
rannut kingornussisussaanerannullu il.il. tunngasunik meeqqatut allatulli aappariinnerup  
avataatigut inunngorsimasut assigalugit pisinnaatitaaffeqalissapput.

Inatsit taanna nutaaq tunngavigalugu inatsisitigut ataataqanngitsutut makkuninnga pisin-  
naatitaaffeqalissaatit:

- Ataatat paasiumallugu ataatassarsiuinissaq piumasarisinnaavat
- Ataatat kiusoq paasigukku ataatannit taassumalu ilaqutaanit kingorsisussanngussaait.
- Aamma ataattut kinguliaquteqalersinnaavutit.

Ataatassarsiuisoqassasoq piumasarisagukku illit nunanni eqqartuussivimmu allagaqassa-  
atit. Kina ataataqigut paaseqqaartariaqanngilat. Tamanna eqqartuussivimmit paasinierneqas-  
saaq.

Inatsisitigut ataataqanngitsumut anaanaaguit aamma illit ataatassarsiuisoqassasoq piu-  
masarisin-naavat, paninnut erninnulluunniit kina ataataansoq qulakkeerumallugu. Ta-  
amaaliussaait eq-qartuussivimmu allagaqarlutit, panivit ernivilluunniit nunaanniittumi.

Ataatassarsiuineq, kingornussisussaaneq aamma kinguliaqut pillugu sukumiisumik sm.dk-mi  
paasiniaasinnaavutit. Ujarlerfissami "Arbejdsområder"-mi "Familiere" toqqaruk. Tulliullugu  
toqqassavat "Juridisk faderløse".

## Paasisutissat

Kalaallit Nunaanni inunngorsimaguit, ataataavillu kiunera ulloq-manna tikillugu paasiniarnis-  
saanut pisinnaatitaaffeqarsimangikkuit, taava "inatsisitigut ataataqanngitsutut" isigine-  
qassaait:

- 1. juni 1963-ip siorngagut Kalaallit Nunaanni inunngorsimaguit, imaluunniit Avannaani  
Tunumiluunniit 1. juni 1974-ip siorngagut inunngorsimaguit, inunngoravillu anaanat  
ataatallu katissimasimangippata
- 1. juni 1963-mi imaluunniit tamatuma kingornatigut Kalaallit Nunaanni inunngorsima-

guit, imaluunniit Avannaani Tunumiluunniit 1. juni 1974-ip siorngagut inunngorsimaguit,  
inunngoravillu anaanat ataatallu katissimasimangippata, ataatassarsiuinerlu eqqartuussi-  
vimmi aalajangerneqarmat angut anguti!luunniit akilersuisussaasutut eqqartuunneqarsima-  
pata.

Inatsit taanna nutaaq tassaavoq meeqqat inatsiseqartitaanerat aamma kingornussisar-  
neq pillugu Kalaallit Nunaanni inatsisit allanngortinneqarnissaanik inatsit nr. 483, 22. maj  
2014-meersoq.